



REPUBLIKA E SHQIPËRISË
BASHKIA DURRËS
KËSHILLI BASHKIAK

VENDIM

Nr.159, datë 23.12.2021

MBI
MIRATIMIN E KALENDARIT TË PËRGATITJES SË PROGRAMIT BUXHETOR
AFATMESËM (PBA) PËR VITET 2023-2025 DHE BUXHETIT VJETOR

Në zbatim të Ligjit nr. 139/2015 datë 17.12.2015 “Për vetëqeverisjen vendore” i ndryshuar, Ligjit nr.10296, datë 08.07.2010 “Për menaxhimin financiar dhe kontrollin” i ndryshuar, Ligjit nr. 68/2017, “Për Financat e Vetëqeverisjes Vendore”, Ligjit nr. 9936, datë 26.06.2008 “Për menaxhimin e sistemit buxhetor në Republikën e Shqipërisë” i ndryshuar, Udhëzimit të Ministrisë së Financave dhe Ekonomisë Nr.7, datë 26.02.2021 “Për përgatitjen e programit buxhetor afatmesëm vendor për vitet 2022-2024”, Udhëzimit të Ministrisë së Financave dhe Ekonomisë Nr. 23, datë 30.07.2018 “Për procedurat standarte të përgatitjes së Programit Buxhetor Afatmesëm të njëjësive të vetëqeverisjes vendore” dhe sipas relacionit të përgatitur nga Sektori i Analizës së Statistikave dhe Planifikimit Afatmesëm në Drejtorinë e Politikave të Zhvillimit dhe Integritimit Evropian, me propozim të Zëvendëskryetares së Bashkisë, e cila kryen funksionet e Kryetarit të Bashkisë,

KËSHILLI BASHKIAK
V E N D O S I :

1. Miratimin e Kalendarit të përgatitjes së Programit Buxhetor Afatmesëm (PBA) për vitet 2023-2025 dhe Buxhetit Vjetor” si më poshtë:

Aktivitetet për hartimin e PBA-së	Afatet për vitin 2022
Paraqet për shqyrtim dhe miratim në KB, raportin për vlerësimet dhe parashikimet afatmesme të të ardhurave në bazë të udhëzimeve përkatëse të Ministrisë së Financave për : -dy vitet para vitit buxhetor (2020 dhe 2021) -vitin buxhetor 2022 -tre vitet e ardhshme buxhetore (2023-2025)	Deri me 31 Janar
Miraton në KB, raportin për vlerësimet dhe parashikimet afatmesme të të ardhurave.	Deri me 1 Mars
Përgatit dhe paraqet në KB, tavanet përgatitore të shpenzimeve të PBA-së në nivel programi.	Mars
Miraton në KB, tavanet përgatitore të shpenzimeve të PBA-së në nivel programi.	Brenda 15 Marsit
Pas miratimit të tavanëve përgatitore të shpenzimeve, miraton Udhëzimin e Brendshëm të përgatitjes së buxhetit të NJQV dhe e shpërndan tek secili drejtues i ekipit të menaxhimit të programit.(DEMP)	Deri në 20 Mars
DEMP, paraqesin kërkesat buxhetore dhe kërkesat buxhetore shtesë sipas programit tek koordinatori i GMS.	Brenda muajit Prill
Dërgon projekt dokumentin e PBA-së, në MF, (dy formularët Nr1. dhe Nr.2 për parashikimin e të ardhurave dhe shpenzimeve) të përgatitur sipas Instrumentit të Planifikimit Financiar (IPF).	Deri në 1 Qershor
MF analizon dhe dërgon zyrtarisht raportin me rekomandime mbi projekt-dokumentin e PBA-së për çdo NJQV.	Deri në 20 Qershor
Dërgon për miratim në KB, projekt dokumentin e parë të PBA-së të miratuar nga GMS për çdo NJQV, bashkë me raportin me rekomandime të MF dhe Ekonomisë, i cili shqyrton dhe miraton këtë projekt dokument.	Deri në 30 Qershor
Publikimi i dokumentit të parë të PBA-së të miratuar.	Deri në 5 Korrik
Përgatit dhe miraton në KB, tavanet përfundimtare të shpenzimeve të PBA-së, në nivel programi sipas udhëzimit plotësues të MF.	Deri në 20 Korrik
Kryetari, shpërndan Udhëzimin plotësues të përgatitjes së PBA-së, në Njësitë Shpenzuese.	Deri në 25 korrik
Përgatitet projekti i rishikuar i PBA-së.	Gusht
Publikimi i dokumentit të PBA-së të rishikuar.	Gusht
Organizimi i seancave dëgjimore me komunitetin dhe grupet e interesit, ku mbahen proces- verbalet e takimeve së bashku me qëndrimet përkatëse të NJQV që bëhen pjesë e dokumentit të projektit të PBA-së.	Deri në 31 Gusht
Miraton në KB, dokumentin e PBA-se te rishikuar.	Shtator

Dërgimi në MF të dokumentit të PBA-së të rishikuar dhe të miratuar në KB, së bashku me një informacion mbi rekomandimet e dhëna nga MF në fazën e parë.	Deri në 15 Shtator
Përgatit projekt buxhetin vjetor, pas miratimit të PBA-së të rishikuar.	Deri 30 Shtator
Përgatit projektin e PBA-së përfundimtare dhe projekt buxhetin vjetor, duke reflektuar rekomandimet përfundimtare të MF.	Tetor
Paraqet projektin e PBA-së përfundimtare dhe buxhetin vjetor për shqyrtim dhe miratim në KB të NjQV.	Deri në 30 Nëntor
Miratimi në KB i PBA-së përfundimtare.	25 Dhjetor
Publikimi i dokumentit të plotë të PBA-së, përfshirë dokumentacionin shoqërues të tyre.	Deri në 31 Dhjetor
Dërgon dokumentin e plotë të PBA-së në MF , 15 ditë pas miratimit në KB dhe publikimit të PBA-së.	Deri 15 Janar

2. Ngarkohen për zbatimin e këtij vendimi të gjithë Drejtoritë, Ndërmarrjet dhe Institucionet në varësi të Bashkisë Durrës.


Ky vendim hyn në fuqi 10 ditë mbas shpalljes (sipas përcaktimit të nenit 55, pika 6, të Ligjit Nr.139/2015, “Për vetëqeverisjen vendore”, i ndryshuar).

KRYETARI KËSHILLIT BASHKIAK

Ani Dyrmishi




U shpall sot me datë 24.12.2021



REPUBLIKA E SHQIPËRISË
PREFEKTI I QARKUT DURRËS

Nr. 998 / prot.
/ 2

Durrës, më 05.01.2022

Lënda: Verifikim i ligjshmërisë së aktit

**KËSHILLIT BASHKIAK
DURRËS**



Verifikova ligjshmërinë e Vendimit të Këshillit Bashkiak Durrës Nr.159 datë 23.12.2021 “Mbi miratimin e kalendarit të përgatitjes së programit buxhetor afatmesëm (PBA) për vitet 2023-2025 dhe buxhetit vjetor”.

E gjej atë të bazuar në ligj dhe në bazë të kompetencave që me jep Ligji Nr.107/2016 “Për Prefektin e Qarkut”, e konfirmoj bazueshmërinë ligjore të tij.

Duke ju falenderuar për bashkëpunimin.

PREFEKTI

ROLAND NASTO

